

金華子雜編卷上

南唐 劉崇遠撰

我唐列祖高皇帝睿哲神明順天膺運相昇禍浹有仍之慶始隆哀恭毒飮銅馬之尊是顯堯儲復正文廟重新渡沉海之斷綸卻成萬目撥伏仄之餘簡在序九流宗周而一仁風依漢而雜霸道澆漓頽革習尚無虛遂使武必韜鈴不空弓馬文先政理乃播風騷由是勳代子孫知弓裘之可重閭閻重推識詩書之有望不有所廢其何以興是知楊氏飭獎於前乃自弊也烈祖聿興於後固天興乎始天祐間江表多故洎及盜貼人尚苟安稽古之談幾乎絕侶橫經之席蔑爾無聞及高皇初收金陵首興遺教縣金為購墳典職吏而寫史籍聞有藏書者雖寒賤必優詞以假之或有贊獻者雖淺近必豐厚以答之時有以學王右軍書一軸來獻因償十餘萬緡帛副焉由是六經臻備諸史條集古書名畫輻湊絳帷俊傑通儒不遠千里而家至戶到咸慕置書經籍道開文武並駕暨昇元受命王業赫然日月文武莫我訾及豈不以經營之大其有素乎

王師範鎮青州以其祖父版籍舊地凡本縣令新到必備儀注躬往投刺縣令畏懼出迎不許之師範令二三客將挾縣令坐於廳上命執事通曰百姓節度使王某參拜於庭中而出縣令惶惑步隨至府謝罪加遜而遣之從事多諷其非宜請不行師範曰以某之見則不然將所以荷國恩而敬念先世示子孫不忘於本故爾師範器宇英儁短於寬恕殺戮過差人知其必敗

或曰能用禮以正身。丈夫順而舉事。反結仇讐。禍不旋踵。其故何哉。金華子曰。昔劉越石非不欲立殊勲於世。而十萬之衆。曾不假息。誠統之非才。然亦時運不可干也。時梁氏方熾。謂九鼎在己之掌。操天王窮追痛宰。輔誅戮於道路。師範適當依附於勤王。誠宜鼓扇恩信。完結民力。寬而有衆。才可合順。而專任威刑。輕視民命。以一州之地。敵千鼎之豪。縱殺戮之心。救崩潰之勢。抱薪撲燭。其可得乎。

陸翹字楚臣。進士擢第。詩不甚高。而才調宛麗。有子弟之標格。未成名時。甚貧素。其閑居即事云。衰柳欹閑苑。白門啼暮鴉。茅厨烟不動。書牖日空斜。老憶東山石。貧看南阮家。沉憂損神慮。歌迴石城秋。本為愁人設。愁人徹曉愁。題品物類亦綺美。鸚鵡早鶯。柳絮燕子。當時其播於人口下。第累年無人召。一遊東諸侯。獲鏹僅百萬而已。竟無所成。卒於江南。長子希聲。好學多藝。勤於讀史。非寢食未嘗釋卷。中朝諸侯。于子弟好讀史者。無及希聲。昭宗朝登庸。辭疾不就。出遊江外。獲全危難。

段郎中成式。博學精敏。文章冠於一時。著書甚衆。西陽雜俎最傳於世。牧廬陵日。常遊山寺。讀一碑文。不識其間兩字。謂賓客曰。此碑無用于世矣。成式讀之。不過更何用乎。客有以此兩字遍諮字學之衆。實無有識者。方驗郎中之奧古絕倫焉。連牧江南九江。名山匡廬。縉雲爛柯。廬陵麻姑。皆有吟詠。前進士許棠寄詩云。十三年領郡。郡郡管仙山。為廬陵頑民妄訴。逾年方明。

其清白乃退隱於峴山時溫博士庭筠方謫尉隨縣廉帥徐太師商留為從事與成式甚相善以其古學相遇常送墨一錠與飛卿往復致謝遞搜故事者九函在禁集中為其子安節娶飛卿如安節仕至吏部郎中沂王傳喜音律著樂府新行于世

崔涓在杭州其俗端午習競渡於錢塘湖每先數日即於湖汊排列舟舸結綵檣東西延袤皆高數丈為湖亭之軒飾忽于其夕北風暴作綠船洶湧勢莫可制既明皆逐風飄泊處湖之南岸執事者相顧莫之為計須臾涓與官吏到湖亭見其陳設皆遙指於層波之外大將愧懼以綵艦聯從非人力堪制無計取回涓微笑曰競渡船共有多少令每一綵舫繫以三五隻船齊力一時鼓棹倏忽而至殊不為難觀者歎服其權智涓之機捷率多如此

崔涓大夫璵之子小宗伯澹之兄涓性俊逸健於記識初與杭州上事數日喚都押衙謂曰乍到郡中未能憶諸走吏名姓卒要呼喚皆滯人頭指居常當直將卒都有幾人對曰在衙當直都有三百人乃各令以紙一幅大書姓名貼在胸襟前逐人點過自此一閱逮及三考未嘗誤喚一人者

柳氏舊聞唐宰相李德裕所著也德裕以上元中史臣柳芳得罪黔中時高力士亦徙巫州因相與周旋力士以芳嘗司史為芳言先時禁中事皆所不能知而芳亦以質疑者默識之次其事號問高力士上令採訪故史氏取其書令按其書已失不獲德裕之父與芳子吏部郎中冕貞元初俱為尚書郎後謫官俱口仙道相與語遂及高力士之說乃編此為次柳氏舊聞以備

史官之說也

宣宗以後近代宰相堂判俊贍無及路公巖者杜尚書覽謝表因問絢曰此人緣何得使之任對曰緣地近授守度其便於迎送上曰朕以比來二十石多因循官業莫念治民故令其到京親問所施設理道優劣國家將在明行升黜以蘇我赤子耳德音即行豈又逾越宰相可謂有權絢嘗以過承恩顧故擅移授及問上言時方巖疑而流汗浹衣重裘皆透

令孤補闕高與弟中書舍人澄皆有才藻令孤之文彩世有稱焉自楚及澄三代皆擅美於紫微

崔涓弟澹容止清秀擢第累登朝列崔魏公辟為從事清瘦明白猶若鷺緣古之所謂玉而冠者不妄也先是中朝流品相率為朋甲以明德清重之最者為其首咸通之際推李公都為大龍甲頭沙汰名士以經緯其伍涓澹親昆仲也澹即預於品目以涓之俊逸目為麓率不許齒焉多方敬接冀時暱附而甲中之士恭默莫肯應對避之如鼯鼯焉

崔起居雍甲族之子少高令聞舉進士擢第之後藹然清名喧於時與鄭顥同為流品所重舉子公車得遊歷其門館者則登第必然矣時人相語為崔鄭世界雖古之龍門莫之加也

故池州李常侍寬桂林大父即常侍之兄同營別墅于怡邨公之弟牧泗州為龐勛所圍以孤城保全於巨賊之中高錫望牧滁州嬰城固守而死嚴判崔雍狀引二子以證其事云錫望守城而死已有追崇杜愔孤城獲全尋加殊獎

同營別墅下
愔有脫字

杜邠公惺暮年就於燕會。淮海之政有獄市之譽。聞于上。聽因除崔魏公鉉替惺。上賦長韻詩送鉉。其落句云。今遣股肱親養治。一方獄市獲來蘇。淮南左都押衙傅希才聞御製。因習來蘇隊舞以迎候。邠公悅之。公自廣陵致仕東洛。揚州軍將因入奏經洛中。以故吏參馬。公問曰。來蘇健否。軍將不敢對。公曰。傳希才也。對曰健。

故事南曹郎既開除。目如偶然忽變。改授他人。縱未領命。亦不復還省矣。南海端揆為主客員外時。有除翰林學士之命。既省吏忽報除目下。員外徐彥若除翰林學士。端揆以己未承旨。乃駕而將復治故廳。至省。省門子前曰。員外已受報出省。不可更入。南曹例舉不敢避。遂退。彥若公相之子。能馳譽清顯中。尉楊復恭善之。故能變致中授耳。

令狐公綯。文公之子也。自翰林入相。最承恩渥。先是上親握庶政之後。即詔諸郡刺史。秩滿不得赴別郡。須歸闕朝對。後方許之任。綯以隨房鄴州。許其便即之任。上金陵甲第之盛。冠于邑下。人皆號為土牆李家宅。宣宗嘗親試神童李穀于便殿。穀年數歲。聰慧詳敏。對問機悟。上甚悅之。因賜解褐官。絹二匹。香一合子。以彰異渥。上之儉德。皆類此也。便即之任下疑有脫字

宣宗臨御。逾於一紀。而憂勤之道。始終一致。但天下雖寧。水旱間有。大中之間。越洪潭青廣等道翻城。以上之恭儉明德。時無異心。方隅諸將。雖失統御。而恩詔慰撫。不日安輯。輿論謂上為小太宗。

王尚書式僕射起之子。朝廷儒宗。最見重于武宗。常自舉于上曰。讀書則五行皆下。為文則七

步成章而式頗有武幹。善用兵。累總戎平袁甫等。溫璋失利于徐州。朝廷以彭門頻年逐帥。乃自河陽移式領河陽。全軍赴任。馬駐軍于境外。優游緩進。徐州將士王智興矯矯難制。其銀刀教都子父軍相承。每日三百人守衛。皆露刃立于兩廊夾幕之下。稍不如意。相顧笑。儀于飲食之間。一夫號呼。眾卒率和。節使多儒素懦怯。聞亂則後門逃遁而獲免焉。如是殆有年矣。暨聞式到近境。先遣衛隊三百人遠接。式衣坐胡床。受參既畢。乃問其逐帥之罪。命皆斬於帳前。不留一人。□□鎮淮海九載。法令一設。無復更改。出入嚴整。未嘗輕易儀注。常列引馬軍將少亦不下二百蹄。民康物阜。軍府晏然。天祐末。故老猶存。喜論其餘愛。或戲之為九年老。崔雍為起居郎。出守和州。遇龐勛悖亂。賊兵攻和。雍棄城奔浙右。為路巖所擄。竟坐此見害。雍與兄朗序福昆仲八人。皆昇籍進士。列甲乙科。嘗號為點頭崔家。如雍之擢第也。其伯父昆仲率賀會飲中堂。既醉而寢。忽夢遊歷於公署間。有綠衣者命坐于廳事中。設酒饌甚備。既而醉飽不堪承命。其人堅請不已。雍乃請曰。願以此肉召從人盡之。綠衣曰。不可。須先輩自盡。既寢其惡之。及和州失律。投于連帥。裴公璩奏之。瑣厓於思過院。雍憂恚且悶。乃召獄直軍將話其事。不曰。勅至。果如夢焉。後周侍中竇之在軍。困於芻粟之備。有僕忘其姓名。恒力負至。不令有乏。如是綿歷星紀。未嘗辭倦。及其達也。舉之隸諸衛。使主廄廐。以謹厚尤見委任。既卒數年矣。或一夕夢來報馬料盡。公甲午生。甚惡之。遂病店而薨。

李景讓尚書少孤。尊夫人某氏性嚴重明斷。近代責侯母氏之賢。無及之也。孀居東維。諸子尚

幼家本清素。日用尤乏。適值霖雨。且久。其宅院古牆。夜坍塌。童僕修築。次忽見一舡槽。食雜以散錢。婢僕等當困窘之際。喜其有獲。相率奔告于堂上。太夫人聞之。誠童僕曰。切未得輒取。候吾來視之。而後發。既到。命取酒醉之曰。吾聞不勤而獲祿。猶為身災。士君子所慎者。非義之得也。吾何堪焉。若天實以先君餘慶。憫及未亡人。當令此諸孤學問成立。他日為俸錢門下。此未敢覬。乃令玉閉如故。其後諸子景讓。景溫。景莊。皆進士。擢第。並有重名。位至方岳。景讓最剛正。奏彈無所避。為御史大夫。宰相宅有看街樓。子皆憚之。懼其糾劾也。然終以強毅為時所忌。舊俗除亞相者。百日内若別有人登庸。謂之辱臺。而景讓未十旬。蔣公伸入相。景讓除西川節度。赴任不逾年。乃請老歸於洛下。終身不復再起。太夫人孀居之歲。才未中年。貞幹嚴肅。姻族敬懼。訓厲諸子。言動以禮。雖及官達之後。稍急於辭旨。則槓楚無撻。先是景讓除浙西節度使。已而忽問曰。取何日進發。偶然忘思。慮便云擬取某日。太夫人曰。若此日。吾或有事去。未得如何。景讓惶懼。方悟失對。太夫人曰。官職貴達。不用老母得也。命童僕折去巾綬。撻于堂下。景讓時以班白。而高堂嚴厲。常若履冰。搢紳之流。健羨莫及。其後在浙西日。左都押衙因應對乖謬。怒撻而斃之。既而三軍洶洶。將致翻城。太夫人乃候其受衙之際。出坐廳中。叱景讓立于階下曰。天子以方岳命汝鎮撫。安得輕弄刑政。苟致一方非寧。不惟上負聖君。而令垂暮老母銜羞而死。且使老婦何面目見汝先大夫于地下。言切語正。左右感咽。乃命坐于庭中。將撻其背。廣僚將校畢至。拜泣乞之。移時不許。大將以下。嗚咽感謝之。于是軍伍帖然。無復異議矣。景莊累舉不

捷太夫人聞其點額即咎其兄中表皆勸如是累感連受庭責終不薦託親知切請之則曰朝廷知是李景讓弟非是冒取一名者自合放及第耳既而宰相果謂春官今年李景莊須放及第可憫那老兄一年遭一頓杖是歲景莊登第矣

李趙公紳再鎮廣陵實係猶幕江淮修永貞二年相公權德輿門生洎武宗朝踰四十載趙國雖事威嚴亦以倭宿老敬之倭列筵以迎府公公不拒馬既而出家樂侑之伶人趙萬金前獻口號以譏之曰相公經文復經武常侍好令又好古昔日曾聞阿婆婆如今親見阿婆婆趙公赧然久之

杜審權以廟堂出鎮浙西清重恭寬雖左右僮僕稀見其語在翰苑最久常侍從親密性習慎厚故也在任三載自上任坐于東廳洎于罷去未嘗他處雖重臣經歷亦不踰中門雍容之度丹青莫及時邠公先達人謂之老杜相公審權人謂之小杜相公也

王尚書武初為京兆少尹好縱情酣飲京城號為王鄧子性復放率不拘小節長安坊巷有欄街鋪設中夜樂神遲明未已式因過之駐馬寓目舞者喜賀主人持杯跪獻于馬前曰主人多福感得達官來顧味稍美敢拜壽觴式笑取而飲槐領而去行百餘步乃回轡復詣之曰向者酒甚不惡可更一杯復據鞍引滿巨鍾而去其放率多如此

高燕公駢雲南之功聞於四海晚節妖亂嗤笑婢子之口嗚呼怒鄰不義幸災不仁亡不旋踵已則甚之雖自取也然若有天道豈不足以垂戒乎

周侍中竇與高中令駢起家神策打毬軍將而擊拂之妙天下知名李相國公領鹽鐵在江南駐泊潤州萬花樓觀春時酒樂方作乃使人傳語曰在京國久聞相公打毬盛名如何得一見竇乃輟樂命馬不換公服馳驟于綵場中都憑城樓下瞰見其懷挾星彈揮擊應手稱嘆者久之曰若今日之所覩即從來之間猶未盡此之善也

周侍中竇初在軍中性強毅閣宦之門莫肯折節逮將中年猶處下位或自憤悵獨以領毬子供奉者前後凡三十六度遂掛聖意遷金吾第二番將軍尋遷對御仗第一籌喪其一目授涇原節度移鎮浙東與燕公對境高駢在軍中時以兄呼竇及總元戎意遂輕少兼以對境微覺憎愛日尋漸積為仇讐矣

韓藩端公大中二年封僕射教門生也與崔瑄大夫同年而相善瑄廉問宛陵請藩為副使時幕府諸從事率多後進子弟以藩年齒高暮凡遊從觀會莫肯從押藩不平之一日諸郎府移厨看花而藩為之幕長方盛服廳中俟其來報移時莫之召藩乃入謁瑄見藩至甚訝其不赴會藩便言不知瑄乃與藩攜手往馬既至彼瑄則讓其失禮于首廳賓從初端揖悚聽俄而判官孔振裘携袂厲聲曰韓三十五老大漢向同年覓得一副使而更學鬬唇合舌瑄掀髯而起饌席遂散

李潛王祐繼牧常州皆以名重朝廷于本道不修支郡禮初李給事多不順從廉使猶剛正於可否其王給事則強懷為己任周侍中竇皆隱忍之瞻罷秩退隱茅山則免黃巢之難祝剛許

北土遂推王拱之害金華子曰禍福無門惟人所召誠不謬乎

生附子之毒能殺人固知之矣而醫工或勸人服者唯生黑豆和合可以紓急句屈茅山出烏頭道流水煮為丸餉遺知聞愚頻見服者踰月而後毒作則痰吐昏迷亟療方止愚外表老丈中與韓端公是舅甥者云目見藩自宣州罷職退居于鍾山愛敬寺忽有道流勸服補益藥以生附子數兩以硫黃為丸藩服之數月乃方似覺有力常日數服忽一日鼻出鮮血頃之耳目口鼻百毛穴中一齊流血莫可制之藩身貌瓌偉既疲委頓簾席流液須臾侍疾骨肉鞋襪皆如緋染自辰及巳午唯皮骨存焉洗澤莫及但以血肉舉骨就木而已金華子曰吁不知附子之毒遽若此之甚也豈韓公運數會於此也禮曰醫不三世不服其藥以斯而言可以明君子進藥之審也夫肉麤養身之恒物也冷暖苟差猶能災人而況金石靈草乎溫粹精之神明倘非九轉之制就可輕脫駕馭乎處天地間飛動微物盡能顧惜身命況于達明之士也何乃苟利從欲却掠為攻由彼兵火自貽不戢之禍冀無自焚也不亦遠乎

王昭輔嘗話故鍾陵平江西時見一王處士善筮自云授易于至人纖巨如見鍾陵幕中有楊推官常因休假會同人小飲時賓客未齊間且于小廳奕碁握槩以仁俱至俄而主人忽南向瞪目神色沮喪遽歸堂前使人傳語賓客託以不安且罷此會于是賓客皆散昭輔方舉進士亦在坐中使人獨命人謂曰聞秀才與王處士有宗盟分今欲奉免持一金往請卜一卦可乎王遂函金往遇之既布卦曰卦甚異可速報之冤家亟來索七日當至宜決行計問宜禳禱乎

曰。至寃得請于天。命詎可改乎。昭輔復命時。楊方危坐以俟其返。既聞所筮。乃曰。斯人信名卜矣。問昭輔曰。向來覺辭色改常否。曰。衆皆觀之。楊乃自述十五年前。高燕公在淮南日。任江楊宰。有弟收拾一風聲婦人。為歌姬在舍。一旦方治晨粧。為諸女姊驕族來惱。其嫂甚怒。逼逐之。出于中門。其旦某入府。遇放衙歸早。忽見有衣裙獨在中門外。疑忘其素非廉人。時弟又不在。大怒。責其黥污家風。遽索杖背笞之二十。家人急以藥物躡灌之。沉悶不甦。經中夕而死。爾後絕無影響。適來忽見躡履自南廊縱步而前。刻期曰。我上訴于天。已得伸雪。七日内當來取爾命矣。此固無可奈何。然驗王生之卜。于前事不誣。果七日而卒。

杜紫微牧位終中書舍人。自作墓誌云。生平好讀書。為人亦不出人。曹公曰。吾讀兵書戰策。孫武深矣。因註其書十三篇。可為上通天時。下極人事。無以加也。後當有知之者矣。典吳興日。夢人告之曰。爾當位至郎中。復問其次。曰。禮部。再問曰。中書舍人。終於典郡耳。又夜寢不寐。有人即告曰。爾改名畢。又夢書片紙。皎皎白駒。在彼空谷。傍有人曰。非空也。過隙也。逾月而卒。臨終留詩。誨其二子。曹師晦辭。拈德祥等云。萬物有好醜。各以姿狀論。喻人則不爾。不學與學論。學非採其花。要自撥其根。孝友與誠實。而不妄爾言。根本既深實。柯葉自滋繁。念爾無忽此。期以慶吾門。晦辭終淮南節度判官。德祥昭宗朝為禮部侍郎。知貢舉。甚有聲望。

杜晦辭。牧之子。自南曹郎為趙公隱從事於西方王郢之族。趙相國以撫御失宜。致仕。晦辭罷職。時北門李相國在淮南。辟為判官。晦辭以恩門休戚。辭不受命。退隱於陽羨別業。時論多之。

永寧劉相國鎮淮南。又辟為節度判官。始方應召。狂于美色。有父遺風。赴淮南之召。路經常州。李瞻給事方為郡守。晦辭于祖席。忽顧營妓朱娘言別。掩袂大哭。瞻曰。此風聲婦人。員外如要。但言之。何用形迹。乃以步軍隨而遺之。晦辭自飲建散。不及換衣。便步歸舟中。以告其內。內子性仁和。聞之無難色。遂輦而迎之。其喜於適願也如是。

金華子雜編卷下

南唐 劉崇遠撰

琅邪王氏與太原出于周琅邪之族世嘗有鍾頭之名今太原王氏子弟多事煇稱是已族其實非也太原貴盛之中自有級鍾之號而崔氏博陵與清河亦上下其望族博陵三房大房第二房雖長令其子孫即皆拜三房子弟為伯叔者蓋第三房婚嫁多達官也姑臧李氏亦然其第三房皆倨受大房二房之禮清河崔氏亦小房最專清美之稱崔程即清河小房世居楚州實應縣號八寶崔家實應本安宜縣崔氏曾取八寶以獻勅改名馬程之姊北門李相國蔚之夫人蔚乃姑臧小房也判鹽鐵程為揚州院官舉吳堯卿巧於圖利一時之僥倖以為得人竟辭榮耀之政程累牧數郡皆無政聲小杜相公聞程諸女有德致書為其子讓能娶馬初辭之私謂人曰崔氏之門若一杜郎其何堪矣而相國堅請不已程不能免乃子實應諸院間取一弟姪以應命而適之其後讓能顯達封國夫人而程之女竟無聞焉

蔡州伯父院諸兄皆少孤泊南海子長推第之日伯母安定胡氏已尊年矣詰早僮僕提至穆氏長阿姨入賀北堂伯母方起未離寢榻問安之後應驚專情不敢遽聞但嬉笑於前久之忽問曰小娘今日何喜色之盛也對曰亦只緣有事甚喜伯母怡然久之曰我知也是即將及第耶言訖滿目泫然左右因之不覺流涕呼長仁之念周而永慕之情至誠非溫摯也不能感物

李鄴詩調美麗亦有子弟標格鄭尚書穎門生也居于杭州疎于馳競終于員外郎初將赴舉聞鄭氏女有容德求娶之遇同人爭娶之女家無以為辭乃日備一十簪先到即許之兩家具錢同日皆往復曰請各賦一篇以定勝負負者乃甘退女竟適鄭初及第回江南經蘇州過親知方作牧邀同赴茶山鄴辭以決意春歸為妻作生日親知不放與之胡琴焦桐方物等令且寄代歸意鄴為寄內曰謝家生日好風烟柳暖花香二月天金鳳對翹雙翡翠蜀琴新上七絃絃鴛鴦交頸期十載琴瑟和諧願百年應恨客程歸未得綠窗紅淚冷涓涓兄子咸通初來牧餘杭鄴時入訪猶子留宿虛白堂云關月斜明虛白堂寒蛩唧唧樹蒼蒼江風微曙不得睡二十五聲秋點長

張祜詩名聞于海外居潤州之丹陽嘗作俠客傳蓋祜得隱俠術所以託詞自敘也崇遠猶憶往歲赴恩門請承乏丹陽因得追尋往跡而祜之故居垵垣廢址依然東郭長河之隅常訊于廬里則亂前故老猶存頗能記憶舊事說祜之行止亦不異從前所聞問其隱俠則云不覩他異唯邑人往售物於府城每抵晚歸時猶見祜巾褐杖屨相翫酒市已則勁步出郭夜迴縣不及過祜門則又先歸矣如此恒常不以為怪從縣至府七十里其迢遞而躡履速人莫測焉韋楚老少有詩名相國李公宗閔之門生也自左拾遺辭官東歸寄居金陵常跨驢策杖經關中過布袍貌古群推隨而笑之即以杖指畫屬聲曰上不屬天下不屬地中不累人可畏韋楚老引群兒令笑因吟咏而去

徐太尉彥若之赴東南將渡小海元隨軍將息忽于淺灘中得一小琉璃瓶子大如嬰兒之拳其內有一小龜子可長一寸許旋轉其間略無暫已瓶口極小不知所入之由也因取而藏之其夕忽覺船一舷壓重及曉視之即有眾龜層疊乘船而上大懼以其將涉海慮蹈不虞因取所藏之瓶子祝而投于海中龜遂散既而話於海船之胡人胡人曰此所謂龜寶也希世之靈物惜其遇而不能得蓋薄福之人不勝也苟或得而藏於家何慮寶藏之不豐哉胡人歎惋不已

淮南巨鎮之最人物富庶凡所製作率精巧樂部俳優尤有機捷者雖魏公德重搢紳觀其諧謔亦頗為之開顏嘗行譏之暇與國夫人盧氏偶坐于公堂忽微笑不已夫人訝而訊之公曰此中有樂人子孫多出言吐氣甚令人笑夫人承命軸簾召之子孫既至撫掌大笑而言曰大人兩個更不著別人風貌閑雅舉止可笑參拜引辟獻詞敏悟夫人稱善因厚賜之

王師範性甚孝友而執法不渝其舅柴某酒醉毆殺美人張氏為其父詣州訴冤師範以舅氏之故不以部民目之呼之為父冀其可厚賂和解勉諭重疊其父確然曰骨肉至冤惟在相公裁斷爾曰若必如是即國法予安敢亂之柴竟伏法其母恚之然亦不敢少責至今青州猶印賣王公判馬

中朝盛時名重之賢指顧即能置人羽翼朱餘慶之赴舉也張水部一為其發卷于司文遂登第也光德相國崇望舉進士因朔望起居鄭太師從譏聞者已呈刺適遇裴侍郎後至先入從

容公乃命屈劉秀才以入相國以主司在前不敢昇進坐隅拜于副階之上鄭公乃降而揖焉
亟乃趨出鄭公伫立于階所目之候其掩映門屏方回步言曰大好及第舉人裴公亦贊歎明
年列于門生矣

李節得道之士通三禮學其精少工歐陽率更書自稱東山道士杖策孤邁居止無定所每歷
諸子之家才止廳事少時遂去兒妻泣留之顧也率多遊于市井之間縱飲酒肆稍稍于朋儕
後取碎黃白物驚換酒價資錙時竭即不知所在人皆竊伺踪跡莫之得也或決旬又見鄧里
中少年之徒多從而學書必愜意者乃許之教常于衢路間忽見士人節謂之曰速將二十錢
來二十日內教你歐書取成人敬從之果無謬矣得錢隨手與人又善射法兗州節度使王庶
人聞之迎而就試馬節曰當于隙所置一物但略言節可中也王公乃以常所使小僕于毬場
內以箬籠覆之謂節曰西望射之可中矣節曰不識此奴可射乎王公笑而許之未深信既一
發箭使往覘之奴已貫心而斃矣王公大驚惋無及欲從之學節曰不可公今日得明日即反
矣王內惡之而不敢言既而命同出獵即遂亡歸山東忽一旦遍詣知聞告別翌日而卒葬于
城南平地壘石為槨累年有獵者免鷹隨走入于墓穴中獵者覘之見其衣冠儼然而寢即戲
之曰三禮健否以草杖掀之乃空衣馬方驗其尸解矣

朱冲和五經及策恃其強敏好干忤人所在伺察瑕隙生情爭訟自江南採巨木送于台省卒
不能運繫繫既久則又鹵莽捨之如此數四人號為宦途惡少黃巢本王仙芝賊中判官仙芝

既死賊眾戴之為首。遂日盛橫行中原。竟陷京洛。數年方滅。金華子曰。民猶水也。水能載舟。亦能覆舟。民于君也。善則服歸。惡則離賁。始盜賊聚于曹濮。皆承平之蒸民也。官吏刻剥于賦歛。水旱不恤其病。餒父母妻子。求養無計。初則窺奪穀粟。以殺死命。黨與既成。則連衡同惡。跨山壓海。東逾梁宋。南窮高廣。列嶽無城壁之險。重關無百二之固。蟬噪噬天。翠華狼狽。而西秦豺牙。爍日。齊民肝腦以塗地。鄴鎬凌夷。往而不返矣。世之清平也。搢紳之士。率多矜恃儒雅。高心世祿。靡念文武之本。群尚輕薄之風。徇官行法。何嘗及治。由是大綱不維。小漏忘補。失民有素。上下相蒙。百六之運既遭。翻飛之變是作。愚家自京洛淪陷。遂河海播遷。此流寓江南之所自也。

劉鄩本事。鄩。王氏。既承昭皇密詔。會諸道將伐朱氏。乃遣鄩偷取袁州。鄩乃詐為回圖軍將。于袁州置邸院。日僱傭夫數百詣青州。潛遣健卒。偽白衣逐晨就役。夜即留寓于密室。如是數月間。得敢死之士千餘人。又于大竹內藏兵仗入監門。皆不留意。既而迎曉突入州。據其甲仗庫。時袁州節度使姓張。統師伐河北。鄩既入據子城。甲兵精銳。城內人皆束手。莫敢叛。拒加以州將素無恩信于眾。鄩諭以將為順舉。戢御嚴明。雖犬無撓。軍度悅伏。青州益師。又至。兼招誘武勇。不日眾逾數萬。張氏家族在州。供備逾于其舊。張帥有母。鄩每端問候。問備晨昏之敬。加以容止重厚。見者畏而敬之。俄而張帥聞變。回師圍城。張母登陴。呼其子而語之曰。吾今雖在城內。與汝隔絕。而劉司空晨夕端笏。問我起居。其餘舊舊。莫敢喧雜。汝切不可無禮于他。由是